



partii naleraq

UKA 2016/129-01

26-09-2016

**Namminersorlutik Oqartussat upalungaarsimanermut inatsisip Kalaallit Nunaannut atuuttussanngortinneqarnera pillugu kunngikkormiut peqqussutaannut akuersinissaat pillugu Inatsisartut aalajangiiffigisassaattut siunnersuut.**

(Pinngortitamut, Avatangiisinut Nukissiuuteqarnermullu Naalakkersuisoq)

Namminersorlutik Oqartussat upalungaarsimanermut inatsisip Kalaallit Nunaannut atuuttussanngortinneqarnera pillugu kunngikkormiut peqqussutaannut akuersinissaat pillugu Inatsisartut aalajangiiffigisassaattut siunnersuut Partii Naleraq sinnerlugu imannak naatsumik oqaaseqarfigissuarput.

Ajunaarnersuaqarsinnaaneranut upalungaarsimanissamut sillimanissaq pilersaaruteqarnissaq pisariaqarluinnarlutillu pingaaruteqartorujussuunerat Partii Naleqqamiit assut pingartipparput.

Taamaammat oqartussaaffinni akisussaaffiillu maani nunatsinni suli danskinit oqartussaaffigineqaraluarpataluunniit taakku pillugit inatsisitigut innuttaasut ajunaarnersuaqartillugu illersorneqarlutillu isumannaatsumik qulakkeerunneqarnissaat pisariaqarpoq.

Tassami apeqqutaasariaqanngikkaluarporluunniit oqartussaafik Namminersorlutik Oqartussanik tiguneqareersimanersoq imaluunniit tiguneqareersimannginnersoq. Pingaarnerpaajummat innuttaasut pitsaanerpaamik isumannaallisaanikkut qulakkeerunneqarnissaat.

Taamaammat siunnersuut tamakkiisumik taperserparput.